



Ku saabsan Qorshaha Degaanka hoosaad ee North Highline ee degmada King County

Qorshaha degaanka hoosaad (subarea plan) waa...

Qorshe faahfaahsan oo u yaalla isticmaalka dhulka degaan yar, oo qayaxan. Qorshooyinka degaanka hoosaad waxaa diiradda lagu saaraa arrimaha isticmaalka dhulka sida goobaynta, isticmaalka waqtiga fog ee dhulka, iyo mawduucyo kaloo ku xiran sida dhulka loogu isticmaalo xaafadda ama degaanka—sida dhinacyada guryeynta, ganacsiga iyo warshadaha, iyo sifada bulsheed.

Qayb ka ah qorshaha dhammaystiran ee degmada King County

Qorshaha degaanka hoosaad waa dukumeenti keli u taagan oo ansixintiisu ay qayb ka tahay Qorshaha Dhammaystiran ee degmada King County (King County Comprehensive Plan) ee ka ballaaran. Waxa ku jira qorshaha degaanka hoosaad waa in uu ku toosnaado hadafyada iyo siyaasadaha Qorshaha Dhammaystiran ee degmada King County, laakiin waxaa weliba ku jiri doona hadafyo iyo siyaasado gooni ah oo degaanka ama xaafadda gaar u ah.

Waxyaabaha caadiga ah ee ku jira qorshaha degaanka hoosaad

- Taariikhda ama muuqaalka bulshada
- Soo koobista isticmaallada dhulka qayb ka ah bulshada
- Bayaanka aragtida bulshada
- Mabaadii'da qorshaha hagaya
- Siyaasadaha isticmaalka dhulka ee gaar u ah bulshada
- Beddelaadyada Maabka Isticmaalka Dhulka
- Beddelaadyada Maabka Goobaynta
- Qodobbada waxqabadka

Maabka Isticmaalka Dhulka

Maabka Isticmaalka Dhulka ee degmada King County waa aragtida waqtiga fog ee ay ka haysato isticmaalka dhulka degaanada aanan xukunka ka mid ahayn, xataa North Highline. Qaybaha isticmaalka dhulka caadi u ah ee North Highline waxaa ka mid ah Guryaha Cuf Meeldhexaad ah, Guryaha Cuf Badan, Xarunta Waxqabadka Aanan xukunka ka mid ahayn, Xarunta Ganacsiga Bulshada, Xarunta Ganacsiga Xaafadda, Warshadaha, iyo Bannaanka Furan.

Goobaynta

Maabka Goobaynta (Zoning Map) ee Degmada ayaa muujinaya isticmaallada dhulka ee hadda loo oggol yahay degaanada aanan xukunka ka mid ahayn, xataa North Highline. Xeerasha goobaynta ayaa lagu nidaamiyaa isticmaallada loo oggol yahay guriga, cufkiisa, iyo cabbirradiisa caadiga ah. Goobaynta gurigu waa in ay raacdo qaybta uu kaga jiro Maabka Isticmaalka Dhulka. Xeerasha ama nidaamyada goobaynta waxaa weliba ku jiri kara caadooyin ama heerar wax lagu dhiso (tusaale ahaan, dhismaha ganacsiga waa in lagu dhiso hab dadka lugaynaya u roon), baahiyaha guryeynta (tusaale ahaan, guryaha dabaqa ah qayb boqolley ah waa in loo diyaariyo sicirrada la awoodi karo), iyo dhiirrigelinno (tusaale ahaan, dhisuhu waxuu guud ahaan dhisi karaa qaybo ama guryo dheeraad ah haddii uu ku deeqo qaybo la awoodi karo).

Su'aalo? David Goodman | dgoodman@kingcounty.gov | 206-263-3595

Qodobbada waxqabadku waa...

Hawlaha dambe ee u yaalla degmada si ay u hirgaliso siyaasadaha, barnaamijyada, ama talooyinka kale ee ku jira qorshaha ee u baahan shaqo dheeraad ah ka dib marka qorshaha la ansixiyo.

Kaalinta bulshada

Horumarinta qorshaha degaanka hoosaad waxaa loogu baahan yahay ka qaybgalka ballaaran ee dadweynaha. Xubnaha shaqaalaha degmada ayaa caawiya soo ogaanshaha arrimaha muhiimka ah ee khuseeya isticmaalka dhulka, waxay helaan ra'yicelinta uu dadweynuhu ka soo diro talooyinka ama qorshooyinka qaybyada ah, waxayna hubiyaan in qorshuhu ka turjumayo aragtida ay degganeyaashu u qabaan bulshadooda.

Qorshaha Degaanka hoosaad ee North Highline – jadwalka mashruuca

Luulyo – Agoosto 2019

Gacan u fidiska koowaad ee dadweynaha – barashada bulshada iyo arrimaha mudnaan u leh

- Albaab u furidda bulshada
- Kulannada kooxda diirad saarista iyo kooxda xaafadda
- Sahaminta internetka

Setembar 2019

Degmada ayaa qabyada koowaad soo saaraysa

Oktoobar - Noofembar 2019

Bulshada ayaa dib u eegaysa qabyada koowaad

- Albaab u furidda bulshada
- Kulannada kooxda diirad saarista iyo kooxda xaafadda

Diisembarr 2019

Degmada ayaa qabyada labaad soo saaraysa

Jannaayo – Febraayo 2020

Bulshada ayaa dib u eegaysa qabyada labaad

- Albaab u furidda bulshada
- Kulannada kooxda diirad saarista iyo kooxda xaafadda

Maarso 2020

Waxaa la soo saarayaa qabyada dib u eegista dadweynaha

Abril – May 2020

Degmada ayaa qabyada ugu dambaysa soo saaraysa

Juun 2020

- Qorshaha Degaanka hoosaad ayaa loo gudbinayaa King County Council (Golaha Degmada King)